



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

01.06.2023

83-um-son

### **“G‘afur G‘ulom” nomidagi ko‘krak nishoni bilan taqdirlash to‘g‘risida**

O‘zbek adabiyotining zabardast vakillaridan biri G‘afur G‘ulom tavalludining 120 yillik yubileyi munosabati bilan adibning boy ijodiy merosini, hayotini, shaxsiyatini chet ellarda keng targ‘ib qilish borasida faollik ko‘rsatib, bu borada universitet oldida qo‘yilgan vazifalarni amalga oshirilishida hamkorlik qilib kelayotgan, shuningdek, adib ijodiyotini yoshlar, ayniqsa huquqshunoslar orasida keng targ‘ib qilish, Toshkent davlat yuridik universiteti xodim va talabalarida adabiyotga, xususan adib asarlariga bo‘lgan qiziqishni yanada oshirish borasidagi faollik ko‘rsatib kelayotgan hamkor tashkilotlar mas‘ul xodimlarni munosib rag‘batlantirish maqsadida

### **B U Y U R A M A N:**

1. G‘afur G‘ulom hayoti va ijodini chet ellarda keng targ‘ib qilishda faollik ko‘rsatib kelayotgan xorijiy davlatlarning xodimlarini G‘afur G‘ulom nomidagi ko‘krak nishoni bilan taqdirlash masalasini ko‘rib chiqish bo‘yicha G‘afur G‘ulom uy muzeyi, O‘zbekiston – Isroil” do‘stlik jamiyatidan, O‘zbekistonning Isroildagi favqulotda va muxtor elchisidan murojaat kelib tushganligi, unga ko‘ra 16 nafar xorijiy va mahalliy xodimlarni taqdirlash maqsadga muvofiqligi ma‘lum qilinganligi, taklif etilgan nomzodlar Ma‘naviyat va ma‘rifat markazi xodimlari, O‘zbek tili va adabiyoti kafedra professor-o‘qituvchilari tomonidan atroflicha o‘rganilganligi va bu borada adabiyotdan va nomzodlarning faoliyatidan xabardor bo‘lgan mutaxassislarning fikr-mulohazalari eshitilganligi hamda Yoshlar masalalari va ma‘naviy-ma‘rifiy ishlar bo‘yicha birinchi prorektorning 2023-yil 30-maydagi 3-01-09/170-son bildirgisi bilan yakuniy xulosa taqdim etilganligi inobatga olinsin.

2. O‘zbek adabiyotining zabardast vakillaridan biri G‘afur G‘ulom tavalludining 120 yillik yubileyi munosabati bilan adibning boy ijodiy merosini, hayotini, shaxsiyatini chet ellarda keng targ‘ib qilish borasida faollik ko‘rsatib, bu borada universitet oldida qo‘yilgan vazifalarni amalga oshirilishida hamkorlik qilib

kelayotgan xorijiy davlatlarning quyidagi xodimlari G‘afur G‘ulom nomidagi ko‘krak nishoni bilan taqdirlansin:

**Boris Kandov** – AQSh va Kanada Buxoro yahudiylari kongressi prezidenti. AQSH. *G‘afur G‘ulom hayoti va ijodiga bag‘ishlangan bir qator tadbirlar tashkil etib, adibning kitoblari va qo‘lyozmalari asosida to‘plamlar, jurnallar va maqolalar chop ettirib kelayotganligi uchun;*

**Rafael Nektalov** – “The Bukharian Times” gazetasining redaktori. AQSh. *G‘afur G‘ulom hayoti va ijodini AQShda va boshqa xorijiy mamlakatlarda targ‘ib qilishda o‘z hissasini qo‘shib kelayotganligi, “The Bukharian Times” gazetasida G‘afur G‘ulomning hayoti va ijodi haqidagi maqolalar, ma’lumotlar, fotosuratlarni muntazam ravishda chop ettirib kelayotganligi uchun;*

**Aviram Dahari** – Kiryat Gat shahri meri, mayor. Isroil. *Bevosita rahbarligida Kiryat Gat shahri munitsipaliteti qaroriga asosan 2005-yilda mazkur shaharda G‘afur G‘ulom nomiga bag‘ishlangan yodgorlikni o‘rnatganligi, 2023-yil 30-aprel kuni G‘afur G‘ulom tavalludining 120 yillik yubileyi munosabati bilan ushbu hududda maydon tashkil etib, ushbu maydonga G‘afur G‘ulom nomini berilishiga rahbarlik qilganligi hamda Kiryat Gat shahrida G‘afur G‘ulom hayoti va ijodini keng targ‘ib qilish bilan bog‘liq bir qator tadbirlarda boshchilik qilganligi uchun;*

**Xaimova Polina Ilinichna** – Isroil davlati Yozuvchilar uyushmasi a‘zosi. Isroil. *G‘afur G‘ulom hayoti va ijodini o‘rganish, u haqida maqolalar, sherlar yozib, uning faoliyatini o‘rganishga yoshlarni keng jalb qilib kelayotganligi uchun.*

3. G‘afur G‘ulom hayoti va ijodini targ‘ib qilish borasida ustuvor vazifalarni belgilab bergan, uning hayoti haqida “Men O‘zbek shoiriman” deb nomlangan filmni tasvirga olinishida rahbarlik qilgan, G‘afur G‘ulom haqida davriy nashrlarda va Internet sahifalarida bir necha maqola chop ettirgan, tele va radio kanallar orqali chiqishlar qilganligi uchun O‘zbekiston Respublikasi Prezidenti maslahatchisi o‘rinbosari **Xakimov Rahim Rusuljonovich** G‘afur G‘ulom nomidagi ko‘krak nishoni bilan taqdirlansin.

4. Yoshlar masalalari va ma’naviy-ma’rifiy ishlar bo‘yicha birinchi prorektor A.Xashimhonov taqdirlanganlarga “G‘afur G‘ulom” nomidagi ko‘krak nishonini tantanali vaziyatlarda topshirilishini ta’minlasin.

5. Mazkur buyruq ijrosi o‘z zimnamda qoldiraman.

**Rektor v.v.b.**



**I.RUSTAMBEKOV**

**Kiritildi:**

Direktor

SH.PO‘LOTOV



**Kelishildi:**

Katta yuriskonsult

A.TURSUNOV



Bo‘lim boshlig‘i

S.MAMANAZAROV



Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV

